

M030: Benediktbeuer Gebet zum Messopfer

- 1,1 Oberestiv magenchraft . vat' all' diner geschaft .
 1,2 scovvve an dine christenheit . vvariv heriv gotheit .
 1,3 dizze opfer daz vvir dir hie tuon . daz ist din ainborn sun .
 1,4 enphahe vwise vat'heit . dines christes sunhait .
 1,5 bedenche bi dir selben in . vn- bedenche ovch vns an im .
 1,6 in bi diner gothait . vns bi siner mennischait .
 1,7 sin gothait div ist mit im din . vnser ist div liche sin .
 1,8 vn- ist iedoch daz unser din . du la daz din daz unser sin .
- 2,1 Er samenot unser mennischait . an sich zuo diner gothait .
 2,2 daz vvir sin mit im gemaine . als er ist mit dir alaine .
 2,3 vnser bilde er an sich nam . da bi er dich an uns erman .
 2,4 er gab uns ze vvandeln sich . daz vvir bi im manen dich .
 2,5 daz er des unsern nam an sich . im ze libe vn- ovch ze lich .
 2,6 daz gab er uns ze niezen vvider . daz im niht entvvohsen siniv lider .
 2,7 vvir sin mitsamt im ain . vlaisch lih un- gebain .
 2,8 vn- daz daz uon im muoze leben . dem ruoche er sinen gaist ze geben .
 2,9 also samnot er chunnescraft . zvviscen im vn- siner geschaft .
 2,10 da uon die rehten sint . sine bruoder vn- siniv chint .
 2,11 mit im ain gaist vn- ain mvot . vlaisch gebaine un- bluot .
 2,12 erben vn- siptail . getailen an dem erbetail .
- 3,1 Vnser herre ihu christ . din sun uon nature ist .
 3,2 so gab uns div milte sin . daz vvir suone uon gnaden sin .
 3,3 svvie vvir daz ellende noch . mit sunden buovven so ist iedoch .
 3,4 der uns uertilige unser maeil . ze himele unser sipetail .
 3,5 du ruohte unser opher sin . uon der magenchrefte din .
 3,6 von div nim uon uns vur guot . hie sine liche vn- sin bluot .
 3,7 vvir uinden niht geliches dem . daz uor dinen ovgen zem .
 3,8 vn- unsern sunten vvidervvege . vof dises ellendes vvege .
 3,9 enphahe ez uon des priesters hante . vn- vvis bi im dar an gemant .
 3,10 daz ez dir gename si . durch die dine namen dri .
 3,11 habe vof dines zornes slach . den vvir arnen naht un- tac .
- 4,1 vvir bieten vuor ze scherme den . der den zorn dir beneme .
 4,2 din guote mach gezurnen niht . so si solhe masen siht .
 4,3 die er ze phande trait . der durch uns die martere lait .
 4,4 bliche sine vrische vvunden an . vn- bedenche uns vvot dar an .

- 4,5 daz er durch daz din gebot . vns ze helfe lait den tot .
4,6 verlih uns solhe salicheit . daz vvir mit rehter innercheit .
4,7 sine marter im gehugen . vvande vvir an dich nine muogen .
- 5,1 ovch bite vvir dich herre . durch der vvandelunge ere .
5,2 vnde sich dizze opher tuot . ze christes liche un- ze sinem bluot .
5,3 ze salde aller christenhait . du vvende uns elliv unsiriv leit
5,4 vn- svvaz an uns allen . gedanch vn- vvillen .
5,5 vverch vn- vvorte . vvider dine uorhte .
5,6 vn- vvider dinen vvillen ist . daz vvende uns durch den dinen christ .
5,7 der innechlichen evvehait . vnde einer vvaren gotehait .
5,8 in des hailigen gaistes ainunge . ze rehter ebenhellunge .
5,9 mit dir ist ein nom- . von- evven z evven AMEN .